

usque ad imminentem canicula ortum extendit:
præterea autumnale tempus, quod hyemis prin-
cipium attingit ad usum thermarum esse con-
veniens & aptum.

CAPUT IIII.

QVOMODO PATIEN-
TES PRAEPARARE SE
debeant antequam thermis no-
stris utantur.

DE temporibus, quibus patientes ad aquas
nostras venire debeant, commemoratur,
ut reor, est satis. Nunc de præparatione,
qua etiam præcedere debet, aliquid est referen-
dum. Consistit autem præparatio in his duobus,
I. In corporis cura. I.I. in exterioribus, que
illi serviant. Quod ad corporis curam attinet,
ea rursus dupliciter considerari debet: aut enim
medicationem, aut rerum sex non naturalium
rectum usum respicit. Medicatio rursus consi-
stit in his tribus. I. in corporis affectione.
II. in humoris, qui per aquam educi debet, cu-
ratione. III. In corroboratione viscerum lan-
guidorum. Quod ad corporis affectionem atti-
net, si in primis venis, ventre, & vicinis visce-
ribus, aut cruditas, aut superfluitas aliqua, aut
obstructio contenta fuerit, cruditas concoquen-
da, superfluitas evacuanda, & obstructio aufe-

renda est, ne materia præter naturam ibi contenta, ab aqua in venas & ad principalia membra rapiatur & detrudatur, idq; faciendum non vehementibus medicamentis, ne virtus debilitetur, & ad aquæ vsum tolerandum impotens fiat, curandumq; omnino, ut corpus purum atque à materia excrementitia evacuatum, si præsertim humidum, catarrhosum nimis, aut obesum & crassum illud fuerit, ad thermarum vsum accedat. Novi enim exempla quorundam, quibus cum nondum purgati hæc aquis vterentur, præsertim cum lavarent, tormenta, punctiones, inflationes, vertigines, & similes alij affectus commoverentur. Lavatio enim in hoc casu plus obest quam potio, propriæ meatuum angustiam & difficilem diætrœvum, & humores tenaces & multos. Ac quemadmodum hausturia aquam purgatio præcedens prodest, ita nullo modo ab ijs, qui lavare volunt, prætermitti debet. Symptomata enim gravissima excitarentur, si illa intermitteretur. II. Quod ad humoris qui educi debet naturam attinet, si crassus & viscosus fuerit, incidi debet ut aqua vis eð reætius & felicius vincere ipsum & educere queat, atq; id faciendum eo magis, quod crassior & viscosior fuerit, interdum etiam incidentibus aperientia & mediocriter attrahentia ad misericordia erunt, si ille vel in profundioribus partium meatibus hæserit, aut nervosis consliterit. Multus vero

us. verò minuendus erit, ne aqua magis illum
fundens, periculum aliquod partibus principa-
lioribus afferat. Si verò humor mobilitate
sua inclinet ad princeps membrum, ab eo leniter
avocandus, & ad loca convenientia & excre-
tioni destinata, deducendus erit. Atq; hæ condi-
tiones in potu præcipue observandæ sunt, etsi in
lotione quoque non sint inutiles. I I I. Quod
ad viscerum corroborationem attinet, si debile
aliquid vel cor aut ventriculus, præcipue verò
cerebrum fuerit, ea ante rsum, præsertim ante
lavationem munienda & roboranda sunt, ne la-
borent. In primis verò cerebrum, quod velut
catinus est foco impositus, ne multi vapores,
quos aqua nostra in omnibus corporis partibus
commovet, in eo colligantur, vnde catarrhi pe-
riculosi accidere possent. Quod si contrariae in-
terdum in corporibus indicationes eveniant, ut
ventriculus frigidus sit, hepar verò & renes
calidi, in eo casu, quod aqua ventriculo conserre
possint, renibus verò & hepati nocere, hepar
& renes vngantur cerato rosaceo, aut sanda-
lino, aut vnguento comitisse, ne incalescant
fortè, aut in inflammationem, præsertim si pa-
tientes lavent, incident. Hæc in medicatione no-
tanda sunt. Quod ad rsum sex rerum non na-
turalium attinet, patiens hoc tempore in calido
aere, & hypocautis mediocriter calidis morari
debet, ut melius humor in corpore peccans fun-

qd. & meatus aperiri possint. Cibus & potus ex
 incidentibus & mediocriter calefacientibus,
 item humectantibus, & aperientibus, qua&q;
 sunt facilis concoctionis & digestionis conflare
 debet, vt & aqua melius ducere humorum, &
 corpus impressionem reclivis ferre, & cruditas
 nulla generari possit. Vitanda autem omnino est
 repletio, ne aqua virtus atq; illius alio obtun-
 datur & impediatur, & natura corporis pati-
 entis oneretur, quo minus perferre vim aquae
 possit. Vigiliae omnino caveri debent, haec enim
 & vires labefaciant, & cruditates in corpore
 generant. Somnus igitur mediocris patientibus
 conciliandus, immodicus omnino vitandus, ne
 materia catarrhorum, quae hæc aqua propter
 colliquationem, quam efficit, facile concitat, ge-
 neretur. Afflictus animi, præsertim ira, tristitia,
 odium, mæror, in primis autem mæror, quo ni-
 hil in usu harum aquarum est perniciosius, vi-
 tandi sunt. Cavendi etiam alij his similes affe-
 ctus, qui humoris & vapores commoturi, &
 ad loca non convenientia, quam quo motus aquae
 ferretur, deducturi essent. Quapropter elabo-
 randum est, vt mens quieta & lata sit, nam in
 perturbationibus animi aut pervertitur spiri-
 tus, aut debilitatur, unde symptomata periculosa
 evenirent. Motus fugiendus non est nisi immo-
 dicus, qui aut lassitudinem, aut siccitatem, aut
 nimium sudorem afferat. Fugiendus etiam est is,
 qui

qui replete & vitiōsis humoribus impuro cor-
pori contingit. Mediocris vero motus conten-
nendus non est, nam & calefacit materiam eva-
cuandam, & calefactam fundit, praterea deie-
ciones & excretiones, si prasertim matutino
tempore aut aliquor horis ante prandium fiat,
promovet. In primis aurem curandum, ut seces-
sus alvi quotidiē fiant & faciles sint, ad quam
rem comparandam, cibus non est assumendus
siccus & difficilis concoctionis, nec talis, qui
viscosos & crassos humores generet, alias prima
venae pravū humoribus implerentur, & in reli-
quas venas post, hepate prasertim calido, rape-
rentur, & symptomata fierent gravia, qua in
lavatione multo maiora contingerent. Lotio
enim constipatis & impuris corporibus est ad-
versissima, potio non item. Atq; haec tenus de
priore parte. Nunc ad posteriorem de exterio-
ribus, quae corpori patientis servire debent, ve-
niamus. Curandum est, ut conclavia balneis
sunt vicina, & tepido aere preparata, ne pati-
ens lotus & iam egrediens, a frigidore aere la-
datur. Videndum etiam ne locus, ubi agri mo-
rantur, sit paludosus aut fumosus, aut aer con-
clusus, ut alterari non possit, alias enim cere-
brum impletetur, & rheumata concitarentur.
Elegant igitur patientes loca commoda & non
male affecta. Sunt enim quadam loca, quae ma-
gis ad quæsum, quam hominum virilitatem &
commo-

commoditatem sunt constructa, qua in re, ve
 popularibus meis consultum volo, ita eos ad-
 monitos esse cupio, vt non tam mercaturæ pro-
 priarum vilitatum, quæm commode & saluti
 eorum, quos hospitio excipiunt, inserviant, &
 secundum justicia normam in elocando ab ad-
 venis exigant id, quod æquum est: Multæ enim
 multorum audiuntur querela, quibus ostenditur,
 nimis interdum advenas gravari ab hospitibus,
 dum singulis septimanis nescio quam pecunia
 summam pro hospitio pendere coguntur. Debet
 autem vt & modestiores & aquiores sint in
 elocando hospites, & serio cogitent, has nostras
 thermas admirandum Dei donum esse, & pre-
 cito iustæ contenti, gratias æterno Deo pro illius
 possessione & vsu agant. Sed præter proposi-
 tum in huius rei mentionem incidi. Ac vt ad
 conclavia redeam, ea tepida esse oportet, & si
 opus est pro habitu, temperie & morbo pati-
 entis calida quoque, vt poris apertis exhalare
 vapores possint. Calidiora autem conclavia la-
 vantium esse oportet, minus calida bibentium.
 Lavantium enim intentio est, vt materia in ex-
 terioribus membris hærentes resolvantur &
 discutiantur, quapropter vt hoc rectius fiat,
 calidioribus opus est hypocaustis. minus au-
 tem calidis hypocaustis vii debent bibentes, ne
 corpus calefaciat & sudor provocetur. Lectulos
 etiam in promtu habere debet æger, vt post la-
 vatio-

uationem quiescere aut sudare possit. Hac de
quarto commemorata sint satis.

C A P . V .

Q V A E O B S E R V A R I
A P A T I E N T I B V S
conveniat in viu ipso.

QUOD igitur patientes se præpara-
re debeant, antequam thermis nostris
vantur, iam ostensum est. Nunc vero de mo-
do, quomodo uti debeant, aliquid referendum
est. Antequam autem advenæ vel bibere aquam
vel in ea lavare incipient, uno aut duobus die-
bus post iter confectum requiescere, & humo-
rum commotorum quietem, & virtutis recrea-
tionem expectare, eoq; magis hi qui pedestres
huc reniunt, nec statim post salutatum hospi-
tem balneum ingredi debent, vt multi facere
consueverunt. Sequi autem eos oportet hanc no-
stram instructionem, non dependere ab opinione
vulgi aut hospitum, qui neq; mineræ gnari sunt,
neque quomodo, aut quando, aut qua in quan-
titate bibere aquam, & quomodo lavare pati-
entes debeant, adhibita ratione & respectu aetati-
ris, sexus, temporis, virtutis & morbi, cogniti-
tum habent: alias enim ægri errabunt, nec rectè
valetudini sua consulent. Ac licet illi sese, quod
semper ad hanc thermas cōmorati sunt iactent,
tamen